



Aqqalu C. Jerimiassen
Atassut

UKA 2021/23_2
25. oktober 2021

Unga siunnersuut: Uranimik il. il., misissueqqaarnermut, ujaasinermut piiaanermullu inerteqquteqarneq pillugu Inatsisartut inatsisaat

(Ineqarnermut, Attaveqaasersuutinut, Aatsitassanut, Inatsisit Atuutsinneqarnerannut
Naligiisitaanermullu Naalakkersuisoq)

Uteqqissavara. Uran parteeqanngilaq! Partiilersuussutigineqarnera ilungersunarsivallaaleqqavoq.
Una inatsit akuerineqarpat itigartinneqarpalluunniit tulliani qinersisoqaqqippat
allangoqqueriaannaavoq. Ila taanna kaaviiaginnaliveqqasoq pissaaneqassutiginiarneqartuortorlu
uteqattaarunnaalaarallartigu.

Tupannavissumillu qanittukkut nalaataqarpunga. Innuttaasut taasitinneqarnissaat pillugu,
qineqquaarutiginikuusarput avammut nalunaarutigigakku siunnerfittut. Inuit qisuariput
tupannartutut taaneqarsinnaasumik. Akissutaasorpassuummi oqariartorput: Ilagooq taasereerpugut
nipangiunniartigu. Atassunngooruna ila susoq? Taasereerluta taasititsiniaaqinnialikkersaaratta
malinnaasimanngilagut.

Ilumut innuttaasut taamatut isumaqartinneqarpat? Inatsisartunut qinersineq tassaasoq uran pillugu
innuttasunik taasititsineq. Allaat maani inersuarmi aamma taamatut isumaqarpaluttumik
oqaaseqartoqarpoq. Assut tupinnarpoq.

Taamak tunngaviutigisumik isummerfissaatigisoq tamat oqartussaaqataanerat pingartillugu
innuttaasunik taasititsisariaqarpugut. Taamak tunngaviutigisumik isummerfissaasoq ukiut
sisamakkaarlugit kikkut inatsisartuussanerannik aalajangiisuutiinnartuassanngikkutsigu innuttaasut
taasitinneqartariaqarput.

Uranimik piiasinnaaneq inatsisitigut inerteqqutinngortikkaluarutsigu, qinersinerullu tulliani allat
qinigaanerullutik peeriaannaavaat. Innuttaasut taasitinneqarpata, partiit kikkulluunniit
amerlanerussuteqarluarpata innuttaasut ersarissumik oqariartuutaat akerleralugu iliuuseqarnissaat
inatsisiornissaallu ungasinnerujussuuvoq.

Inatsisissap pingajussaaneerneqannginnerani kissaatigivarput ataatsimiititaliami sukumiisumik
suliarineqarnissaat.